

Broj: 05-02-35-9-1/2021-12
Sarajevo, 09.02.2021. godine

SVIM PRIVREDNIM SUBJEKTIMA

PREDMET: Obavještenje o obustavi postupka javne nabavke - Poziv za javnu nabavku usluga – pravna odbrana Vlade Federacije Bosne i Hercegovine u slučaju radnopravnih sporova (Usluge iz Aneksa II dio B Zakona o javnim nabavkama)

Ugovorni organ obavještava sve zainteresirane privredne subjekte da je na Poziv za javnu nabavku usluga – pravna odbrana Vlade Federacije Bosne i Hercegovine u slučaju radnopravnih sporova (Usluge iz Aneksa II dio B Zakona o javnim nabavkama), broj: 05-02-35-1/2021-1 od 02.02.2021. godine, koji je objavljen dana 02.02.2021. godine na web portal Ugovornog organa, dana 09.02.2021. godine izjavljena Žalba te da se predmetni postupak obustavlja.

Imajući u vidu činjenicu da je članom 110. Zakona o javnim nabavkama ("Službeni glasnik BiH", broj: 39/14) definisano da žalba ima suspenzivno dejstvo, odnosno da odgađa nastavak postupka javne nabavke, Ugovorni organ je obustavio predmetni postupak nabavke do donošenja konačne odluke po žalbi.

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 05-02-35-9-1/2021-1
Sarajevo, 02.02.2021. godine

**POZIV ZA DOSTAVU PONUDA ZA JAVNU NABAVKU USLUGA –
PRAVNA ODBRANA VLADE FEDERACIJE BOSNE I HERCEGOVINE
U SLUČAJU RADNOPRAVNIH SPOROVA**

(USLUGE IZ ANEKSA II DIO B. ZAKONA O JAVNIM NABAVKAMA)

Pozivamo Vas da dostavite ponudu za javnu nabavku usluga – pravna odbrana Vlade Federacije Bosne i Hercegovine u slučaju radnopravnih sporova.
Postupak nabavke će biti proveden u skladu sa odredbama člana 8. Zakona o javnim nabavkama ("Službeni glasnik BiH", broj: 39/14) i odredbama Pravilnika o postupku dodjele ugovora o uslugama iz Aneksa II dio B. Zakona o javnim nabavkama ("Službeni glasnik BiH", broj: 66/16).

1. NAZIV UGOVORNOG ORGANA:

Generalni sekretarijat Vlade Federacije Bosne i Hercegovine (u daljem tekstu: Ugovorni organ).

2. VRSTA POSTUPKA:

Nabavka se provodi primjenom posebnog režima postupka dodjele ugovora koji za predmet javne nabavke ima usluge iz Aneksa II dio B. Zakona o javnim nabavkama – pravne usluge.

3. PREDMET NABAVKE:

Predmet nabavke: Pravna odbrana Vlade Federacije Bosne i Hercegovine u slučaju radnopravnih sporova
Jedinstveni rječnik javne nabavke (CPV kod): 79110000-8–Usluge pravnog savjetovanja i zastupanja

4. OPIS PREDMETA NABAVKE:

Predmet nabavke je pružanje pravnih usluga, pravnog savjetovanja, zastupanja i poduzimanja svih potrebnih pravnih radnji u slučaju radnopravnih sporova Vlade Federacije Bosne i Hercegovine u 2021. godini, u skladu sa potrebama Ugovornog organa.

Usluga, između ostalog, podrazumijeva:

- davanje pravnih savjeta;
- sastavljanje podnesaka i isprava;
- zastupanje i odbrana;
- pružanje i drugih oblika pravne pomoći.

Mjesto izvršenja usluge: nadležni sudovi u Bosni i Hercegovini i druge institucije i organi po zahtjevu Ugovornog organa.

5. PROCIJENJENA VRIJEDNOST NABAVKE:

S obzirom da se, u predmetnoj nabavci, radi o sukcesivnom izvršenju usluga, ukupna procijenjena vrijednost nabavke za cijeli period izvršenja iznosi 85.400,00 KM bez PDV-a.

6. USLOVI ZA KVALIFIKACIJU PONUĐAČA, POTREBNI DOKAZI I DOKUMENTACIJA:

Da bi učestvovao u konkretnom postupku javne nabavke, ponuđač mora zadovoljavati minimalne kvalifikacione uslove, utvrđene srazmjerno predmetu ove nabavke i to:

6.1. Lična sposobnost – član 45. stav (1) tačka a) Zakona o javnim nabavkama

U skladu sa članom 45. stav (1) tačka a) Zakona, ponuda će biti odbijena ako je ponuđač u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan.

Ugovorni organ će odbiti ponudu ukoliko utvrdi da je ponuđač: bio kriv za profesionalni propust počinjen tokom perioda od tri godine prije početka postupka, a koji ugovorni organ može dokazati na bilo koji način, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica, zbog namjere ili nemara privrednog subjekta/ponuđača određene težine.

Dokazi koji se zahtijevaju:

U svrhu ispunjavanja uslova iz tačke 6.1. ovog poziva, ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnosi slučaj definisan predmetnom tačkom poziva. Ukoliko ponudu dostavlja zajednička advokatska kancelarija, Izjavu treba potpisati svaki advokat pojedinačno. Ukoliko ponudu dostavlja advokatsko društvo, Izjavu treba potpisati ovlaštena osoba društva.

Izjava se dostavlja u formi utvrđenoj u Prilogu 2. poziva i čini njegov sastavni dio. Datum davanja izjave treba biti u periodu 02.02.2021. – 16.02.2021. godine.

Dokazi kojim će ponuđač potvrditi vjerodostojnost date Izjave i koji je obavezan dostaviti jesu:

- uvjerenje Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, ne starije od tri mjeseca, računajući od trenutka dostavljanja ponude i
- uvjerenje suda prema sjedištu ponuđača iz kojeg je vidljivo da mu u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, ne starije od tri mjeseca, računajući od trenutka dostavljanja ponude.

Ponuđači koji dostave prihvatljive ponude, obavezni su dostaviti tražena uvjerenja u originalu ili ovjerenoj kopiji, u roku od pet dana od dana prijema odluke o izboru kvalifikovanih ponuđača.

Ponuđači koji uz Izjavu, u ponudi dostave i uvjerenja sudova, oslobađaju se obaveze naknadnog dostavljanja traženih dokumenata.

6.2. Sposobnost obavljanja profesionalne djelatnosti – član 46. Zakona:

Ponuđači trebaju dostaviti dokaz o registraciji u odgovarajućim profesionalnim ili drugim registrima kojom se dokazuje njihovo pravo da obavljaju profesionalnu djelatnost, koja je u vezi s predmetom nabavke.

Dokazi koji se zahtijevaju:

- **ukoliko ponudu dostavlja Advokatska kancelarija** potrebno je dostaviti: aktuelni izvod iz Imenika advokata ili potvrdu o činjenicama i podacima iz Imenika advokata nadležne advokatske komore.
- **ukoliko ponudu dostavlja Zajednička advokatska kancelarija** potrebno je dostaviti: aktuelni izvod o upisu zajedničke advokatske kancelarije u evidenciju ili imenik nadležne advokatske komore.
- **ukoliko ponudu dostavlja Advokatsko društvo** potrebno je dostaviti: aktuelni izvod iz Imenika advokatskih društava ili potvrdu o činjenicama i podacima iz Imenika advokatskih društava nadležne advokatske komore i Aktuelni izvod iz sudskog registra.

Dostavljeni dokazi se priznaju, bez obzira na kojem nivou vlasti su izdati.

Navedene dokaze potrebno je dostaviti u originalu ili kopiji ovjerenj od strane nadležnog organa.

6.3. Prijava na javni poziv, uz popunjen i ovjeren Prilog 1 poziva – Obrazac podaci o ponuđaču

6.4. Izjava iz člana 52. Zakona – Prilog 3 poziva

U skladu sa članom 52. Zakona, kao i sa drugim važećim propisima u Bosni i Hercegovini, Ugovorni organ će odbiti ponudu ukoliko je ponuđač koji je dostavio ponudu dao ili namjerava dati sadašnjem ili bivšem zaposleniku Ugovornog organa poklon u vidu novčanog iznosa ili u nekom drugom obliku, u pokušaju da izvrši utjecaj na neki postupak ili na odluku ili na sam tok postupka javne nabavke. Ugovorni organ će u pisanoj formi obavjestiti ponuđača i Agenciju za javne nabavke o odbijanju ponude, razlozima za odbijanje iste i o tome napraviti zabilješku u izvještavanju o postupku nabavke.

Dokaz koji se zahtijeva:

Ponuđač je dužan uz ponudu dostaviti posebnu pismenu Izjavu (ovjerenu kod organa uprave ili notara) da nije nudio mito niti učestvovao u bilo kakvim radnjama čiji je cilj korupcija u javnoj nabavci. Obrazac izjave dat je u Prilogu 3. poziva i čini njegov sastavni dio. Ukoliko ponudu dostavlja zajednička advokatska kancelarija, Izjavu treba potpisati svaki advokat pojedinačno. Ukoliko ponudu dostavlja advokatsko društvo, Izjavu treba potpisati ovlaštena osoba društva.

Datum davanja izjave treba biti u periodu 02.02.2021. – 16.02.2021. godine.

7. KRITERIJ ZA IZBOR PONUDE:

Ugovorni organ će izbor između kvalifikovanih ponuđača, vršiti na osnovu svojih potreba, za konkretnu uslugu, cijeneći specifičnost i kompleksnost samog predmeta nabavke u svakom pojedinačnom slučaju.

8. ZAHTJEVI PO PITANJU JEZIKA:

Ponuda, svi dokumenti i prepiska u vezi sa ponudom između ponuđača i Ugovornog organa moraju biti napisani na jednom od službenih jezika u Bosni i Hercegovini. Prateća dokumentacija i štampana literatura koju dostavi ponuđač mogu biti napisani na drugom jeziku, pod uvjetom da se uz njih dostavi službeni prevod relevantnih dijelova na jeziku na kojem je ponuda napisana.

9. SADRŽAJ PONUDE:

Ponuda obavezno treba da sadrži sljedeće:

1. Prijava na poziv (formu i sadržaj prijave na Poziv potencijalni ponuđači sami kreiraju),
2. Popunjen, potpisan i ovjeren Prilog 1: Obrazac - Podaci o ponuđaču,
3. Popunjen, potpisan i ovjeren Prilog 2: Izjava o ispunjenosti uslova iz člana 45. stav (1) tačka a) Zakona o javnim nabavkama
4. Dokaz/e kojima ponuđač dokazuje da je registrovan za obavljanje profesionalne djelatnosti koja je predmet ove nabavke (član 46. Zakona), kako se traži u tački 6.2. ovog poziva
5. Popunjen, potpisan i ovjeren Prilog 3: Izjava ponuđača iz člana 52. Zakona
6. Popis dokumenata uz ponudu koji čine sadržaj ponude (potrebno je napraviti spisak dokumenata koji se dostavljaju sa potpisom i pečatom podnosioca ponude ili ovlaštenog lica).

Svaki dokument koji se popunjava od strane ponuđača, mora biti potpisan od strane podnosioca ponude. Ukoliko ponudu potpisuje neko drugi potrebno je uz ostalu traženu dokumentaciju priložiti i punomoć u originalu ili ovjerenoj kopiji.

10. PRIPREMA I NAČIN DOSTAVLJANJA PONUDE:

Ponuđač snosi sve troškove u vezi sa pripremom i dostavom ponude.

Ponuda se izrađuje na način da čini cjelinu i mora biti napisana neizbrisivom tintom. Ispravke moraju biti izrađene na način da su vidljive i potvrđene potpisom ponuđača uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova. Pod čvrstim uvezom, podrazumijeva se ponuda ukoričena u knjigu ili ponuda osigurana jamstvenikom.

Stranice ponude se označavaju brojem na način da je vidljiv redni broj stranice. Ako ponuda sadrži štampanu literaturu, brošure, kataloge ili sl. koji imaju izvorno numerisane brojeve, onda se ti dijelovi ponude ne numeriraju dodatno.

Ponuda se dostavlja samo u originalu, u jednoj neprovidnoj koverti.

Alternativna ponuda nije dozvoljena. Ponude se dostaviti lično ili putem pošte na adresu Ugovornog organa. Blagovremenom se smatraju ponude koje su do isteka roka za podnošenje ponuda prispjele na protokol Ugovornog organa, bez obzira na način i vrijeme slanja. Neblagovremene ponude neće biti razmatrane već će neotvorene biti vraćene ponuđaču. Ponuđač može do isteka roka za dostavu ponuda dostaviti izmjenu i/ili dopunu ponude. Izmjena i/ili dopuna ponude dostavlja se na isti način kao i osnovna ponuda s obaveznom naznakom da se radi o izmjeni i/ili dopuni ponude.

Ponuđač može do isteka roka za dostavu ponude pisanom izjavom odustati od svoje dostavljene ponude. Pisana izjava se dostavlja na isti način kao i ponuda s obaveznom naznakom da se radi o odustajanju od ponude. U tom slučaju neotvorena ponuda se vraća ponuđaču.

11. ADRESA NA KOJU SE DOSTAVLJA PONUDA:

Ponude se predaju u zatvorenoj koverti.

Na koverti ponude mora biti naznačeno:

- a) naziv i adresa Ugovornog organa: **Generalni sekretarijat Vlade Federacije Bosne i Hercegovine, Hamdije Čemerlića broj 2, 71000 Sarajevo**
- b) naziv i adresa ponuđača u lijevom gornjem uglu koverti,
- c) evidencijski broj nabavke: 05-02-35-9-1/2021-1
- d) naziv predmeta nabavke: **PONUĐA ZA JAVNU NABAVKU USLUGA – PRAVNA ODBRANA VLADE FEDERACIJE BOSNE I HERCEGOVINE U SLUČAJU RADNOPRAVNIH SPOROVA**
- e) naznaka: "NE OTVARAJ".

12. DA LI SE UGOVOR ZA USLUGE ZAKLJUČUJE ZA JEDNOKRATNO IZVRŠENJE ODREĐENE USLUGE ILI NA PERIOD KOJI NE MOŽE BITI DUŽI OD TRI GODINE:

Ugovori će se zaključivati jednokratno, po potrebi, u periodu do 31.12.2021. godine.

Račun ili faktura, izdati na temelju narudžbenice Ugovornog organa, će se smatrati zaključenim ugovorom, u slučaju da vrijednost usluge ne prelazi iznos za koji se ne treba zaključivati ugovor, a što je definisano odredbama Pravilnika o postupku direktnog sporazuma („Službeni glasnik BiH“, broj: 90/14).

13. KRAJNJI ROK ZA DOSTAVU PONUDA:

17.02.2021. godine do 09:00 sati.

14. MJESTO I VRIJEME OTVARANJA PONUDA:

Hamdije Čemerlića broj 2, Sarajevo, Generalni sekretarijat Vlade Federacije Bosne i Hercegovine.

Vrijeme otvaranja ponuda: 17.02.2021. godine u 09:30 sati.

Ugovorni organ će nakon isteka roka za prijem ponuda izvršiti otvaranje i analizu istih i obavijestiti će ponuđače o rezultatu postupka nabavke, a odluku objaviti na svojoj web stranici www.fbihvlada.gov.ba.

15. PERIOD VAŽENJA PONUDE:

do 31.12.2021. godine

16. KONTAKT OSOBA, BROJ TELEFONA I ADRESA ELEKTRONSKE POŠTE:

Lejla Pintol, telefon: 033/218-538, e-mail: lejla.pintol@fbihvlada.gov.ba.

Komunikacija i svaka druga razmjena informacija između Ugovornog organa i ponuđača obavljat će se, u pisanom obliku, putem elektronske pošte/email-a. Izuzetno komunikacija će se vršiti i putem poštanske pošiljke, telefaksa ili kombinacijom tih sredstava.

Ovaj poziv objavit će se na web stranici www.fbihvlada.gov.ba.

PRILOG 1

OBRAZAC – PODACI O PONUĐAČU

NAZIV PONUĐAČA	
SJEDIŠTE PONUĐAČA	
IME I PREZIME OSOBE ODGOVORNE ZA ZASTUPANJE U PRAVNOM PROMETU	
TELEFON	
FAX	
EMAIL	
BROJ TRANSAKCIJSKOG RAČUNA PONUĐAČA	
NAZIV BANKE	
ID BROJ	
PDV BROJ	

IME I PREZIME KONTAKT OSOBE PO OSNOVU OVOG POZIVA	
TELEFON	
FAX	
EMAIL	

Datum i mjesto: _____

Ponuđač:

Puno ime i prezime, potpis i pečat

PRILOG 2

Izjava o ispunjenosti uslova iz člana 45. stav (1) tačka a) Zakona o javnim nabavkama („Službeni glasnik BiH“ broj: 39/14)

Ja, _____ niže _____ potpisani
(Ime i prezime), sa

ličnom kartom broj: _____ izdatom od _____, u svojstvu
predstavnika privrednog društva ili obrta ili srodne djelatnosti

(Navedi položaj, naziv
privrednog društva ili obrta ili srodne djelatnosti), ID broj :

_____, čije sjedište se nalazi u _____
(Grad/općina), na adresi _____ (Ulica i broj), kao

ponuđač u postupku javne nabavke usluga - pravna odbrana Vlade Federacije Bosne i Hercegovine u slučaju radnopravnih sporova, USLUGE IZ ANEKSA II DIO B. ZAKONA O JAVNIM NABAVKAMA, a kojeg provodi ugovorni organ Generalni sekretarijat Vlade Federacije Bosne i Hercegovine, a u skladu sa članom 45. stavom (1) tačka a) i stavom (4) istog člana pod punom materijalnom i kaznenom odgovornošću

IZJAVLJUJEM

Ponuđač _____ u
navedenom postupku javne nabavke, kojeg predstavljam, nije :

a) Pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu sa važećim propisima u BiH ili zemlji u kojoj je registriran;

U navedenom smislu sam upoznat sa obavezom ponuđača da u slučaju dodjele ugovora dostavi dokumente iz člana 45. stav (2) tačka a) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnog organa.

Izjavu dao: _____

Mjesto i datum davanja izjave:

Potpis i pečat nadležnog organa:

(M. P.)

PRILOG 3

PISMENA IZJAVA

iz člana 52. Zakona o javnim nabavkama („Službeni glasnik BiH“, broj: 39/14)

Ja, _____ nižepotpisani
(Ime i prezime), sa
ličnom kartom broj : _____ izdatom od _____, u svojstvu
predstavnik privrednog društva ili obrta ili srodne djelatnosti

_____ (Navesti položaj, naziv privrednog društva ili obrta ili srodne djelatnosti), ID broj :
_____, čije sjedište se nalazi u _____ (Grad/općina), na
adresi _____ (Ulica i broj), kao ponuđač u postupku javne nabavke usluga -
pravna odbrana Vlade Federacije Bosne i Hercegovine u slučaju radnopravnih sporova
USLUGE IZ ANEKSA II DIO B. ZAKONA O JAVNIM NABAVKAMA, a kojeg provodi ugovorni
organ Generalni sekretarijat Vlade Federacije Bosne i Hercegovine, a u skladu sa članom 52.
stav (2) Zakona o javnim nabavkama pod punom materijalnom i kaznenom odgovornošću

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku postupka javne nabavke.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

(M. P.)